

Ditsamaiso le Dikaelo tsa Puso tsa Motheo tsa go Dira Tiro tsa Dithulaganyo tsa ECD: Tshobokanyo le lenaanetshwao

Seno ka tshobokanyo ya Ditsamaiso le Dikaelo tsa Motheo tsa go Dira Tiro tse di amanang le go bulwa gape ga dikeretšhe tsa ECD, tse di ntshitsweng ke Lefapha la Tswelediso ya Batho. Re dirile gore ditokumente tse e nne lenaanetshwao le o tshwanetseng go le dirisa. Sengwe le sengwe se o tshwanetseng go se dira se mo lenaanetshwaong leno. Ditsamaiso ka botlalo tsa Motheo tsa go Dira Tiro di na le megopolo e mengwe le dikaelo. Fa e le gore o batla go di bala, o ka kgona go di bona le Dikaelo o sa tlhoke data mo webosaeteng ya smartstart.org.za

Ditsamaiso tsa Motheo tsa go Dira Tiro di na le mefuta e mebedi ya dikgato:

- Dikgato tse o tshwanetseng go di dira pele ga go bulwa gape. Bontsi jwa tseno di tshwana le dilo tse di mo lenaanetshwaong la Foromo ya go Itshekatsheka. O seka wa tswenyega, di tobetse gape fela ka go tlhomamisa gore o di dirile.
- Dikgato tse o tshwanetseng go di dira tsatsi le letsatsi. Tseno ke dilo tse o tla tshwanelang go gopola go di dirisa ka metlha. Go tla nna thata go gopola sengwe le sengwe, jalo dira gore o nne o tshwere lenaanetshwao leno gaufi gore o kgone go nna o le leba ka metlha.

Gopola, mokatisi wa gago wa Smartstart o teng gotla go go thusa. Fa go nale sengwe seo sa se tthatoganyeng kgotsa o tlhoka thego, ba leletse mogala.

1. Dikgato ka kakaretso

Karolo eno e kaga dikgato tse dikgolo tse o tshwanetseng o di tsaya gore keretšhe ya gago e siamele go dira.

Ke eng se o tshwanetseng go se dira pele ga o bula gape?	Ke dirile seno <input checked="" type="checkbox"/>
Tlatsa Foromo ya Go Itshekatsheka o bo o e romela (kopa Mokatisi wa gago gore a go thuse fa o tlhoka thuso)	
Fetsa katiso ya go bula gape ya SmartStart	
Saena o bo o bontsha Polelo ya go Latela Ditaolo (e e mo webosaeteng ya SmartStart)	
Saena o bo o bontsha Thulaganyo ya mo Tirong ya Mogare wa Corona (e e mo webosaeteng ya SmartStart)	
Fa e le gore o na le bathusi kgotsa babereki ba bangwe, kopana le bone o bo o ba tlhalosetse ka dikgato tse disha le ditsamaiso (bona karolo 2 fa tlase)	
Tlhomamisa gore o na le matheriale o o lekaneng wa go phepafatsa, sesepa, le dimmaseke tsa letsela tsa sefatlhego (mmereki mongwe le mongwe a nne le di le 2, mme go nne le tse 6 tse di setseng tsa bana)	
Phepafatsa keretšhe ya gago ka botlalo, didirisiwa le dithoye	
Tlhomamisa gore o na le metsi a le mantsi a a nowang, a go tlhapa le a go phepafatsa	

2. Go tla waetsa babereki le go ba tshegetsisa

Karolo eno e kaga go thusa bathusi ba gago le babereki ba bangwe go tlhaloganya dikgato tse disha le ditsamaiso tse ba tla tshwanelang go di dirisa tsatsi le letsatsi. O tla tshwanela go rulaganya nako e e kgethegileng go ba tlhalosetsa pele ga o bula thulaganyo ya gago gape – lenaanethalo le le fa tlase le rulagantse se se tshwanetseng go akarediwa ka nako eo. Fa e le gore ga o na bathusi bape kgotsa babereki o tlhoka fela go tlhomamisa gore o feditse katiso yotlhe ya SmartStart ya go bula gape.

Ke eng se o tshwanetseng go se akaretsa ka nako ya go tlhalosetsa/go katisa babereki?	Ke dirile seno ✓
Dirisa diphousetara tsa tshedimosetso ka SmartStart go bolelela babereki kaga: <ul style="list-style-type: none"> • Dikgato tsa go emisa go anama ga mogare • Go tlhapa diatla • Go elatlhoko matshwao a bolwetse – le go tsiboga ka tshwanelo Go ruta bana botlhokwa jwa go itshwara sentle go thusa go emisa go anama	
Buisana le go dumalana ka ditsamaiso tsa go phepafatsa tsa tsatsi le letsatsi tsa mo mafelong a go ithuta, didirisiwa le matlwana a boithomelo	
Dirisa dintlha tsa Kaelo ya SmartStart go bolelela babereki kaga: <ul style="list-style-type: none"> • Tlhatlhobo ya tsatsi le letsatsi • Go dirisa dimmaseke tsa sefatlhego • Go emela kgotsa go nnela kgakajana le batho • Go bua le bana ka mogare wa Corona Diphetolo tsa tiro ya ka metlha tsa SmartStart	
Buisana le go dumalana ka ditsamaiso tsa go tsewa le go isiwa ga bana	
Buisana le go dumalana kaga kafa bana ba tshwanetseng go rulaganngwa ka teng ka ditlhopho tse dinnye	
Fa e le gore o na le ditlase di feta e le nngwe, buisana le go dumalana ka thulaganyo ya nako ya go tshamekela kwa ntle	
Bolelela babereki gore dintlha tsa Kaedi ya SmartStart di tlele go bolokwa kwa kae gore ba kgone go di leba go tlhomamisa	

3. Paakanyo ya mafelo a go ithutela (mo teng le ka kwantle)

Karolo e kaga dilo tse o tshwanetseng go di dira gore o nne le lefelo lwa boithutelo le siameng pele o simolola lenaneo lwa gago.

Ke eng se o tshwanetseng go se dira pele ga go bulwa gape?	Ke dirile seno ✓
Mafelo otlhe, dithoye, dibuka le matheriale wa go ithuta, fenitšhara, didirisiwa, le didirisiwa tsa go tshamekela ka kwantle, didirisiwa tsa go apaya, matlwana a boithusetso di phepafadiwa ka botlalo letsatsi pele ga go bulwa gape	
Dithoye tse di boleta di tlositse mme di bolokilwe	
Mosima wa motlhaba o ntshitswe motlhaba kgotsa o khurumetswe	
Go na le ditsamaiso tsa go phepafatsa tsatsi le letsatsi	
Go na le moya o o tsenang sentle mo lefelong le go ithutelwang mo go lone (difensetere/mabati a butswa gore moya o tsene le go tswa sentle)	
Lefelo le go ithutelwang mo go lone le rulagantswe go tshegetsisa go nnela kgotsa go emela kgakajana le batho (ka sekai, go tshwaya fa fatshe go bontsha mafelo a go tshamekelwang mo go one le a go ka nniwang mo go one)	

4. Puisano le batsadi pele ga go bulwa gape

Karolo eno e kaga go naya batsadi tshedimosetso e ba e tlhokang pele ga o bula keretšhe ya gago gape.

Ke eng se o tshwanetseng go se dira pele ga go bulwa gape?	Ke dirile seno ✓
Kwala lekwalo le le tlwaelegileng la batsadi (le le mo webosaeteng ya SmartStart) o bo o naya motsadi mongwe le mongwe le motlhokomedi khopi ya lone	
Tsaya diselipi tse di saennweng mo batsading botlhe kwa bokhutlong jwa lekwalo la motheo	
Tlhomamisa gore o na le nomoro ya mogala ya go ikgolaganya le motsadi kgotsa motlhokomedi wa ngwana mongwe le mongwe le nomoro e nngwe e sele ya go ikgolaganya le bone	

5. Go tlhomiwa ga ditsamaiso

Karolo eno e kaga ditsamaiso tse o tshwanetseng go di rulaganya le go di pega mo leboteng gore di bonwe.

Ke eng se o tshwanetseng go se dira pele ga o bula gape?	Ke dirile seno ✓
Bontsha dikitsiso tsa semolao: <ul style="list-style-type: none"> • Polelo ya go Dira Jaaka go Laetswe • Go Rulaganyetsa Mogare wa Corona mo Tirong 	
Bontsha diphousetara tseno tsa tshedimosetso: <ul style="list-style-type: none"> • Tsela ya go emisa go anama ga Mogare wa Corona • Tsela ya go baya leitlho matshwao a bolwetse a mogare wa Corona • Tsela ya go tlhapa diatla Phousetara ya tshedimosetso ya bana e e bontshang mekgwa e mene ya botlhokwa	

6. Go goroga le go tsamaya

Karolo eno e kaga ditsamaiso tse di tshwanetseng go rulaganyediwa babereki le bana fa ba goroga kwa keretšheng ya gago.

Ke eng se o tshwanetseng go se dira pele ga o bula gape?	Ke dirile seno ✓
Bolelela bathusi le babereki gore ba tshwanetse go tlhapa diatla fa ba goroga	
Go na le lefelo la go tlhapa diatla fa kgorong ya keretšhe	
Go na le lefelo le le kgethegileng la mmereki mongwe le mongwe le ngwana mongwe le mongwe la go baya dilwana tsa bone	
Fa e le gore go na le bana ba le bantsi mo keretšheng ya lona, rulaganya dinako tse di farologaneng tsa go gorosa le go tsaya bana mme o itsise batsadi ka one	
Dithobanyane, megalanyana, le matlapa kgotsa matshwao a fa fatshe a bontsha mafelo a go tlhomagana ka kwantle (bobotlana dimitara di le 1.5 kgotsa dikgato tse pedi tse di sephara fa gare ga sebaka sengwe le sengwe sa go tlhomagana.	
Go na le sebaka sa fa bana ba ka letang teng ba tlhokometse fa ba bangwe ba tlhatlhabiwa	

Kee eng se o tshwanetseng go se dira tsatsi le letsatsi?	Ke tla dira seno ✓
Tlhomamisa gore bana le babereki ba tlhapa diatla fa ba goroba le pele ga ba tsamaya	
Bontsha diphousetara tsa tshedimosetso tsa 'Tweetswee tlhomaganang fa'	
Tlhomamisa gore batsadi le batlhokomedi ba rwala dimmaseke tsa sefatlhego fa ba tliisa bana le fa ba ba tsaya	

7. Go Tlathobela Mogare wa Corona

Karolo eno e kaga ditsamaiso tse di tshwanetseng go rulaganngwa tsatsi le letsatsi go tlathobela babereki le bana. Tlhomamisa gore o dira go ya ka ntlha ya Kaedi ya SmartStart e e reng “Tsela ya go dira tlathobela ya tsatsi le letsatsi” ka gonne seno se bontsha ditsamaiso tse o tshwanetseng go di latela tsatsi le letsatsi.

Ke eng se o tshwanetseng go se dira pele ga o bula gape?

Ke dirile seno ✓

Bolelela babereki botlhe le bathusi dipotso tsa tlathobela tse ba tshwanetseng go ipotsa tsone pele ga ba tla tirong tsatsi le letsatsi

Tlhalosetsa babereki botlhe le bathusi ka tiro ya go tlathobela

Tlhome lefelo lengwe fa kgorong ya keretšhe go dira tlathobela ya tsatsi le letsatsi

Baakanya buka ya go ikwadisa e o tla e dirisang go boloka rekoto ya tlathobela ya tsatsi le letsatsi

Ke eng se o tshwanetseng go se dira tsatsi le letsatsi?

Ke tla dira seno ✓

Rulaganya lefelo la go tlathobela le na le buka e go kwadisiwang mo go yone kgotsa rejisetara, phousetera ya ‘Lefelo la go ikwadisa’ le themomitara (fa e le gore o na le yone)

Tlathobela ngwana mongwe le mongwe le mmereki kwa tshimologong ya nako nngwe le nngwe ya go ruta

8. Go nnela kgakajana le batho

Karolo eno e kaga kafa o ka tshegetsang mongwe le mongwe ka gone go leka go nna bobotlana mitara o le 1 kgakajana le batho.

Gakologelwa, go nnela kgakajana le batho go tlile go nna thata mo baneng ba bannye mme go tshwanetswe ga dirwa ka tsela e e bonolo le ya go ba thusa, eseng ka go gagamatsa molao kgotsa ka bogale. Bala ntlha ya Kaedi ya SmartStart e e reng ‘Tsela ya go tshegetsa go nnela kgakajana le batho’ go bona tshedimosetso e nngwe le megopolo. Ntlha ya Kaedi ya ‘Tsela ya go tsamaisanya keretšhe ya gago le seemo’ gape e na le megopolo e e mosola le metshameko le ditiro tse di tshegetsang go nnela kgakajana le batho.

Ke eng se o tshwanetseng go se dira pele ga o bula gape?

Ke dirile seno ✓

Tlhalosetsa babereki botlhe le bathusi gore go nnela kgakajana le batho go tshwanetse ga tshegediwa ka tsela e a bonolo le e e siameng mme le ka motlha ga se lebaka la go tlogela bana ba se na se ba ka se dirang

Fa go na le bana ba le bantsi mo keretšheng, dira gore bana ba nne ka ditlhopho tse dinnye tse ba ka nnang mo go tsone ka nako nngwe le nngwe ya thuto, go fokotsa gore ba se ka ba tlhakana thata

Ka nako ya go ikhutsa, kwala maina mo materaseng le mo dikobong gore ngwana mongwe le mongwe a dirise e e tshwanang ka nako nngwe le nngwe ya go ikhutsa

Ke eng se o tshwanetseng go se dira tsatsi le letsatsi?

Ke tla dira seno ✓

Gopotsa bana kwa tshimologong ya letsatsi lengwe le lengwe ka go nnela kgakajana le ba bangwe le gore ba nne fa ba sireletsegileng teng (dirisa phousetara ya tshedimosetso ya bana ya SmartStart)

Ka nako ya dijo le ya diseneke, tlhomamisa gore ditulo di katogane bobotlana mitara o le 1

Ka nako tsa go ikhutsa, tlhomamisa gore materase a katogane bobotlana mitara o le 1

9. Dimmaseke tsa sefatlhego le ditlelafo tsa rabara

Karolo eno e ka tsela ya go dirisa dimmaseke tsa sefatlhego le ditlelafo tsa rabara go itshireletsa, go sireletsa babereki le bana. Bana ba dingwaga tse di fetang tse 2 ba tshwanetse go kgothalediwa go rwala mmaseke wa sefatlhego mme ba sa patelediwe. Fa bana ba sa tsoge sentle ka baka la matshwao a bolwetse jwa mogare wa Corona fa ntse ba le mo keretšheng, ka metlha ba tshwanetse go rwala mmaseke wa sefatlhego fa ba ntse ba letile batsadi ba bone go tla go ba tsaya. Bala ntlha ya Kaedi ya SmartStart go bona tshedimosetso e nngwe. Ga go na mmereki kgotsa ngwana yo o tshwanetseng go batliwa gore a rwale ditlelafo tsa polasetiki. Lefa go ntse jalo, go kgothalediwa gore o dirise ditlelafo tsa rabara go phepafatsa o bo o di tlhatswa morago.

Ke eng se o tshwanetseng go se dira pele ga o bula gape?

Ke dirile seno ✓

Tlhomamisa gore o na le bobotlana dimmaseke tsa sefatlhego tsa letsela di le 2 tsa mmereki mongwe le mongwe

Tlhomamisa gore o na le bobotlana dimmaseke tsa sefatlhego tsa letsela tse di setseng di le 6 tsa bana

Ke eng se o tshwanetseng go se dira tsatsi le letsatsi?

Ke tla dira seno ✓

Tlhomamisa gore babereki ba rwala dimmaseke tsa sefatlhego tsa letsela tsatsi le letsatsi

Tlhomamisa gore dimmaseke tsa sefatlhego tsa letsela di dirisiwa go ya ka ditaelo tsa ntlha ya Kaedi ya SmartStart ya 'Tsela ya go dirisa mmaseke wa sefatlhego'

Dirisa mmaseke o mongwe mme o tlhatswe o mongwe morago ga nako ya go ruta

Fa ngwana mongwe a ka tla a sa rwala mmaseke wa sefatlhego, mo neye o le mongwe ka nako eo ya thuto

10. Ditsela tsa go ipoloka o le phepa

Karolo eno e kaga ditsela tsa go tlhapa diatla, go phepafatsa ntlwana ya boithusetso le dikgato tse dingwe tsa bophepa. Kafa go kgonegang ka teng, bana ba tshwanetse go tlhapa diatla ka sesepa le metsi a a phepa, a pompo go na le go dirisa sanitizer ya diatla. Fa e le gore go dirisiwa di-sanitiser tsa diatla ka metlha di tshwanetse go nna le 70% ya bojalwa.

Ke eng se o tshwanetseng go se dira pele ga o bula gape?

Ke dirile seno ✓

Dira gore go nne le dithulaganyo tsa go tlhapa diatla ka metlha mo letsatsing lotlhe

Tlhomamisa gore o na le dithishu tse di lekaneng kgotsa pampiri ya mo ntlwaneng ya boithusetso ya go minola bana

Tlhomamisa gore lefelo la go fetola mengato ya bana le kgakala le fa go baakanyediwang dijo tse di apeiwang teng

Ke eng se o tshwanetseng go se dira tsatsi le letsatsi?

Ke tla dira seno ✓

Tlhomamisa gore babereki le bana ba tlhapa diatla ka metlha mo letsatsing lotlhe pele le morago ga (a) go dirisa ntlwana ya boithusetso le (b) go ja diseneke kgotsa dijo

O seka wa dirisa matsela a go iphimola diatla - diatla di ka omisiwa ka mowa

Phepafatsa dipompo le ditankanyana tsa metsi ka metlha ka sebolaya-megare

Ka metlha tlhokomela bana fa ba dirisa sanitizer ya diatla

Katologanya dipitsana tsa boithusetso dimitara di le 1.5 mme/kgotsa kopa bana gore go tsene a le mongwe mo ntlwaneng ya boithusetso

Gopotsa bana ka metlha ka ditsela tsa go ipoloka ba le phepa (ka go sa itshware difatlhego, go gotlhelela mo magwafeng) le go tlhapa diatla (dirisa phousetara ya tshedimosetso ya bana)

11. Go ipoloka o le phepa ka kakaretso le go laola go tshwaetsega

Karolo e e kaga go boloka keretšhe ya gago e le phepa mme e se na megare. Elatlhoko gore pampiri le dibuka ga di tsewe di le kotsi thata go re o ka tshwaetsega ka tsone mme ga di tlhoke go phepafadiwa ka metlha.

Ke eng se o tshwanetseng go se dira tsatsi le letsatsi?	Ke tla dira seno ✓
Tlhomamisa gore go na le mowa o o siameng mo lefelong le go ithutelwang mo go lone (bula difensetere/mabati gore mowa o tsene le go tswa)	
Phepafatsa lefelo le dithoye tsotlhe le didirisiwa kwa bokhutlong jwa nako nngwe le nngwe ya go ruta	
O seka wa letlelela gore batho ba tle ka dithoye le dilo tse dingwe tsa bone tsa kwa gae mo sekolong	
O seka wa kopa bana gore ba thuse go phepafatsa	
O se ka wa romela dilo dipe (ka sekai, dithoye, dibuka, tiro ya botsweretshi) kwa gae ka bana	
Phepafatsa diselulafouno le didirisiwa tsa motlakase pele le morago ga di dirisiwa	

12. Tikologo e e sireletsang

Karolo eno e kaga go fokotsa go atamalana ga bana le batho ba bangwe.

Ke eng se o tshwanetseng go se dira tsatsi le letsatsi?	Ke tla dira seno ✓
O seka wa letlelela batsadi le baeti ba bangwe go tsena mo keretšheng	
Fa e le gore bana kgotsa baeti ba bangwe (ka sekai, batlhokomedi ba ka nako ya potlako) ba tshwanetse ba tsena mo keretšheng, ba tlhatlhobe mme o ba kope gore ba rwale dimmaseke tsa sefatlhego	
Fa lenaneo le direla mo tlung ya gago dirisa lefelo le tlhaolegileng mme o se letle batho go nna ntse ba kgabaganya mo teng kgotsa dirisa lefelo ka nako ya lenaneo	

13. Go fetolwa ga kharikhulamo le se se rutwang mo keretšheng

Karolo e e kaga diphetogo tse o tlileng go tshwanela go di dira mo tirong e e tlwaelegileng ya SmartStart go fokotsa bothata jwa go tshwaetsega.

Ke eng se o tshwanetseng go se dira pele ga o bula gape?	Ke dirile seno ✓
Bona gore o ka akaretsa ditiro sa bophepa jang tse di tshwanang le go tlhapa diatla mo tirong ya tsatsi le letsatsi	
Bala le go akanya ka ntlha ya Kaedi ya SmartStart ya 'Tselo ya go tsamaisanya keretšhe ya gago le seemo'	
Fa e le gore go na le bana ba ba golafetseng mo keretšheng ya gago, tlhomamisa gore ba akarediwa	
Mo baneng ba satlo bowang mo lenaneong la gago, abelana dikakanyo le di diriswa le batsadi go thega dithuto le metshameko kwa gae	

Ke eng se o tshwanetseng go se dira tsatsi le letsatsi?	Ke tla dira seno ✓
Iphe nako kwa tshimologong ya nako ya go ruta go gopotsa bana ka go tlwaela go nna phepa	
Tlhopha ditiro tse di tshegetsang go nnela kgakajana le batho mme o santse o letlelela bana go tsamaya tsamaya	
O seka wa letlelela gore ba tshameke ka metsi kgotsa metshameko ya ditemosi	
Le seka la tsaya maetonyana kgotsa la ya go iphokisa phefo	
Fa e le gore go na le bana ba bantsi, refosanya dinako tsa go tshamekela kwa ntle gareng ga ditlhopho	

14. Go baakanyetsa go apaya le go tshola dijo

Karolo eno e kaga go apaya le go tshola dijo, diseneke le dinotsididi ka tsela e go nang le tshireletsego le e e phepa.

Ke eng se o tshwanetseng go se dira tsatsi le letsatsi?	Ke tla dira seno ✓
Tlhomamisa gore mongwe le mongwe yo o apayang dijo o tlhapa diatla pele le morago ga go apaya	
Boloka fa o direlang teng, didirisiwa le dilwana tse di dirisiwang di le phepa	
Tlhwatswa maungo le merogo sentle	
Phimola diphuthelo tsa korosari ka bonako fela fa di tsenngwa mo ntlong	
O seka wa letla bana gore ba abelane dijo, dino kgotsa didirisiwa	
Phepafatsa dikafothine tse go tlliweng le tsone go tswa kwa gae fa di tsena le fa di sena go dirisiwa	

15. Boitekanelo jwa bana

Karolo eno e kaga go elatlhoko gore a go na le yo o nang le matshwao a bolwetse a mogare wa Corona – le go tsiboga ka tshwanelo. Leba phousetara ya SmartStart ya 'Tsela ya go elatlhoko gore a go na le yo o nang le matshwao a bolwetse' go bona tshedimisetso e nngwe

Ke eng se o tshwanetseng go se dira pele ga o bula gape?	Ke dirile seno ✓
Kopa motsadi kgotsa motlhokomedi wa ngwana yo o nang le ape a malwetse a a latelang gore ba dire gore ngwana wa bone a nne kwa gae, kgotsa ba tlise lekwalo la ngaka: <ul style="list-style-type: none"> Malwetse a a masisi a mosele wa go hema (ka sekai Cystic Fibrosis kgotsa bolwetse jwa mafatlha) Bolwetse jwa pelo Tlhaelo e e masisi ya masole a mmele (ka sekai, HIV/AIDS, kankere) Bokoa jo bo masisi jwa tsamaiso ya methapo kgotsa ya boboko	

Ke eng se o tshwanetseng go se dira tsatsi le letsatsi?	Ke tla dira seno ✓
Ela bana tlhoko go bona gore a ba na le matshwao a bolwetse a mogare wa Corona	
Fa bana ba bontsha matshwao a bolwetse a mogare wa Corona: <ul style="list-style-type: none"> Ba kgaoganye le bana ba bangwe mme o tlhomamise gore ba rwala dimmaseke tsa sefatlhego Leletsatsi batsadi ba bone kgotsa batlhokomedi ba bone mme o ba kope go tla go tsaya ngwana ka yone nako eo Kgatšha sebolaya-mogare mo mafelong ape le dilwana tse ngwana a neng a di dirisa Kwa bokhutlong jwa letsatsi, bolelela batsadi ba bangwe gore go na le ngwana yo o bonetseng a na le matshwao a bolwetse 	
Fa e le gore go dirisitswe phaposi ya ba ba lwalang, tlhokomela bana ka metlha mme o kgatšhe sebolaya-mogare mo phaposing ya ba ba lwalang sentle fa e se na go dirisiwa	

16. Go kwala direkoto

Karolo eno e kaga direkoto tse o tshwanetseng go di boloka.

Ke eng se o tshwanetseng go se dira tsatsi le letsatsi?

 Ke tla dira
seno ✓

Boloka direkoto tse di latelang:

- Dibuka tsa go kwadisa babereki le bana ba ba leng teng
- Buka ya go kwala ditlhatlhobo tsa tsatsi le letsatsi
- Direkoto tsa go tlhalosediswa/katsiwa ga babereki
- Direkoto tsa dipalo tsa batho ba ba nang le mogare wa Corona (dirisa buka ya go kwala Tiragalo/Kotsi mo faeleng ya gago e e phepole)
- Buka ya go kwala baeti (dirisa Rejisetara ya Baeti ya mo faeleng ya gago e e phepole)